

Settembre 2015

## **Appel dal Club Helvétique per las elecziuns federalas da l'atun 2015**

La Svizra è creschida ensemen pass per pass en ina lunga perioda. Ella unescha pievels cun identitads differentas areguard cultura, lingua e politica. Ses recept cumprovà sa basa sin in fundament traidubel: la combinaziun prudenta da l'interacziun e da l'indipendenza amez l'Europa, il respect per il conuman ed il stadi da dretg democratic.

Las preparativas da las elecziuns federalas da 2015 illustreschan lezza varietad impressiunanta. Ma i demussan enina sia sensibladad, e quai mintga giada ch'ins ha pers il respect politic per ils dissidents e ch'ins falsifitgescha unilateralmain la relaziun tranter il ferm princip democratic e las normas dal stadi da dretg a favur d'ina maioritad populara esclusiva ed omnipotenta.

Surtut l'istorgia da la Svizra dapi la Constituziun federala dals 12 da settembre 1848 ans mussa ch'í na dat nagina democrazia senza stadi da dretg. La costituziunalitad na collia betg mo nus sezzas e nus sezs sco burgaisas e burgais da la Svizra, mabain era, sur il dretg internaziunal public acceptà, quellas e quels da tut ils stadis democratics. Mintga democrat che s'engascha avertamain en ses pajais per la democrazia s'engascha medemamain per ils fundamentes d'in urden vairamain democratic en noss entir mund. Il princip d'egualitad ed ils dretgs umans fan part da lezs fundamentes.

**Ins po star da la vart politica ch'ins veglia, ma ins duai en mintga cas far diever dals agens dretgs civics cun sa participar a las elecziuns. E latiers duain ins vuschar per quellas candidatas e per quels candidats che garanteschan senza resalva las pitgas da nossa democrazia: respect, spiert cosmopolitanic e costituziunalitad.**